

Motie nr. 46  
Fracties MEP-POR-RED  
OV#14, dd. 24 april 2018  
OLV # 883  
Begroting Land 2018



## PARLAMENTO DI ARUBA

Zittingsjaar 2017-2018

### 883 Ontwerp-landsverordening tot vaststelling van de begrotingen van de ministeries van het Land voor het dienstjaar 2018

Proponi dialuna: 23 april 2018

Considerando cu:

- Partido ReD Democrático no ta e único partido cu a hiba campaña cu e meta pa pone e ser humano central. Tanto MEP como tambe Partido POR a hiba e mesun campaña aki; y cu
- Pa culmina e campaña e votadornan a dicidi di duna e tres partidonan aki e oportunidad pa cumpli cu nan palabra y muestra cu di berdad nan tin e hende central, cu ta berdad cu nan tin e meta pa pone e ser humano na promer lugar; y cu
- Den e programa di gobernacion ariba pagina 1 den e di tres alineación e tres partidonan den coalición a inclui e promesa aki y a pone por escrito cu tur tres partido ta propone pa hiba un gobernacion basa ariba principionan di bon gobernacion, transparencia y integridad y na e mesun momento hiba un maneho responsabel ariba finanzas publico cu como meta pa pone e ser humano central; y cu
- Pa nos papia di tin e ser humano central esaki no por bai man den man cu niun clase di discriminacion; y cu
- E ser humano por ta central solamente ora e ta inclui delaster un ser humano ariba e planeta aki, no solamente esnan ariba e isla aki. Esey ta significa cu niun persona por ser discrimina en lo absoluto. Mescos cu ora nos ta tuma un decision ariba nivel di medio ambiente e ta inclui e rasa humano, e flora y e fauna di e mundo completo; y cu
- Nos **Staatsregeling** ta cuminsa cu su prome articulo cu ta bisa cu:  
“Allen die zich op Aruba bevinden, worden in gelijke gevallen gelijk behandeld. Discriminatie wegens **godsdiens, levensovertuiging**, politieke gezindheid, ras, geslacht, kleur, taal, nationale of maatschappelijke afkomst, **het behoren tot een nationale minderheid**, vermogen, geboorte, of **op welke grond dan ook** is niet toegestaan.”; y cu
- Lastimamente nos por a constata cu esaki no ta conta pa tur ciudadano na Aruba. E handicap, esnan cu diferente limitación físico, mental y social, e stranhero, rasa, eschencia di religion of creencia, esnan di edad avanza, ta wordo discrimina keto bai; y cu

- Haya un trabou cu ta un derecho sagrado pa bo por alimenta bo mes y bo famia; y cu
- Niun ley cu ta inhusto y cu ta depriva e gruponan aki riba menciona por keda vigente; y cu
- Pa e grupo di persona cu ta pertenece na e comunidad di Rasta; y cu
- E comunidad cu kier hasi uso di cannabis medicinal legal; y cu
- E drugtest actual no ta volder na e exigencianan premira, esta seguridad ariba tereno di trabou, pasobra pa cuminsa e ta ser haci prome cu haya trabou mes, ta con por ta papiando di peliger si e persona no a ni haya trabou ainda; y cu
- Cannabis no ta mescos cu e otro substancianan cu ta wordo getest pa e simpel hecho cu e residuonan ta keda mas largo den e sistema di e persona mientras cu otro droganan manera alcohol, cocaína, crack, aunque nan a wordo usa/cunsumi un dia prome lo no refleha den e resultado di e test; y cu
- Riba pagina 29 di e programa di gobernación “Huntu Pa Aruba” bou di e punto Medicina Alternativo ta poni enfaticamente cu lo implementa e proceso pa legalisacion di cannabis medicinal; y cu
- Tur persona mester tin e oportunidad pa por escohe pa medicina alternativo manera entre otro cannabis medicinal, cu a muestra su avancen grandi den area di entre otro epilepsia, anorexia, glaucoma, cáncer y maneho di dolornan cronico, pa menciona algun malesa;

Ta urgi gobierno pa de inmediato para tur trato cu ta crea un desigualdad riba e isla aki y tambe pa accelera e proceso di e investigacion di e comision encarga cu e tema aki pa asina aki cumpli tambe cu e promesa y acuerdo di gobernacion pa legalisa cannabis medicinal, pasobra derecho di hende y bida di hende no ta cos di haci wega.

Y ta pasa pa ordo di dia.

Ricardo Cruz

M. Tromp

Gustavo